



Fidoyilik —
Vatanga xizmat demak!

2024-yil 26-dekabr, payshanba,
147 (24.024)-son

O'zbek xalq
maqoli

Badqavm
bo'lsang, bo'l,
beqavm
bo'lma.

Zarafshon

1913-yil aprel oyidan chiqib boshlagan

www.zarnews.uz

https://www.facebook.com/zarnews.uz

@zarnews_uz

https://twitter.com/zarnews_uz

Prezident farmoniga ko'ra

Hokimliklarga

YANGI VAKOLATLAR beriladi

Prezidentning "Hududlarda yuqori iqtisodiy o'sish va aholi birligini ta'minlashning yangi tizimini yo'lga qo'yish hamda bu borada mahalliy hokimliklarning roli va mas'uliyatini oshirish chora-tadbirlari to'g'risida"gi farmoni qabul qilindi.

Hujjatga muvofiq, mahalliy hokimliklar mas'uliyati va hisobdorligini oshirish hamda ularning tashabbuskorligi, islohot va o'zgarishlarga "egallik qilish" rolini kuchaytirishga qaratilgan tizim joriy etiladi. Shuningdek, 2025-yilda respublika va hududlar kesimida iqtisodiy o'sish, ishsizlik hamda kambag'allik darajasini pasaytirish bo'yicha maqsadli ko'rsatkichlar tasdiqlandi.

Farmon bilan mahalliy davlat hokimiyati organlariga quyidagi moliyaviy imkoniyat va vakolatlar berildi:

- 2025-yil 1-yanvardan aylanmadan olinadigan soliq, yuridik shaxslarning mol-mulkiga solinadigan soliq, yuridik shaxslardan olinadigan yer solig'i, davlat aktivlarini ijaraga berishdan tushumlarni to'liq hajmda hamda jismoniy shaxslardan olinadigan daromad solig'i tushumlarining kamida 50 foiz qismini tuman (shahar)lar budjetlariga o'tkazish;

- mahalliy davlat hokimiyati organlariga tegishli bo'lgan aktsiziyalar (ulushlar)ni sotishdan tushgan mablag'larning 90 foizi Qoraqalpog'iston Respublikasining respublika budjetiga, viloyatlarning viloyat budjetiga va Toshkent shahridagi shahar budjetiga hamda obyektlar joylashgan tuman (shahar) byudjetiga teng ulushlarda taqsimlanadi.

- 2025-yil 1-martdan hokimliklarga hududi 10 ming metr kvadratdan, baholangan qiymati 5 ming bazaviy hisoblash miqdoridan oshmagan hamda 6 oy davomida sotilmagan mahalliy davlat hokimiyati organlariga tegishli ko'chmas mulk obyektlarini 2 yil ichida yangi loyihani ishga tushirish

va ish o'rnlari yaratish sharti bilan:
- tadbirkorlarga to'g'ridan-to'g'ri 10 yil muddatga ijaraga berish hamda davlat mulki uchun 4 yil davomida uzluksiz ijaraga to'lovlarini amalga oshirgan va ijaraga shartnomasi shartlarini bajaragan tadbirkorga xususiyatlashirish yoki baholangan qiymatda to'g'ridan-to'g'ri sotish;

- xalqaro tan olingan xorijiy til va malaka sertifikatlarini olishga o'rnatilgan mahalliy hamda xorijiy mutaxassislar yoki tashkilotlarga dastlabki birinchi yili ijaraga to'lovlarini amalga oshirgan va ijaraga keyinchalik uning muddatini uzaytirish sharti bilan ijaraga berish vakolatlar beriladi.

Tuman va shaharlar hokimliklariga quyidagi yo'nalishlarda ma'muriy vakolatlar beriladi:

- davlat boshqaruvi organlari va tadbirkorlar o'rtasida "doimiy aloqa" tizimini yaratish maqsadida tuman (shahar)larda tadbirkorlar jamoatchilik kengashini tuzish;

- 2025-yil 1-yanvardan belgilangan vazirlik va idoralarning tuman (shahar) bo'limlari rahbarlarini mas'ul vazirlik va idoralarning hududiy boshqarmalari bilan kelishilgan holda lavozimga tayinlash va lavozimidan ozod etish, shuningdek, tegishli mas'ullarga rag'batlantirish yoki intizomiy javobgarlikka tortish choralarini ko'rish;

- 2025-yil 1-yanvardan 2026-yil 1-yanvargacha belgilangan ro'yxat bo'yicha tuman (shahar)larda huquqiy eksperiment tariqasida tuman (shahar) hokimligi faoliyatini "Aholi va tadbirkorlar manfaatlariga xizmat qilish" yangicha yondashuvi asosida tashkil etish.

2024-YIL SAMARQANDLIK YOSHLAR HAYOTIDA QANDAY IZ QOLDIRDI?

O'tayotgan 2024-yil «Yoshlar va biznesni qo'llab-quvvatlash yili» deb e'lon qilingan edi. Shuning uchun ham yil davomida mamalakimizda yoshlarni, xususan, ilm olishga, tadbirkorlikka qiziquvchi yigit-qizlarni har tomonlama qo'llab-quvvatlashga alohida e'tibor qaratildi. Bu borada viloyatimizda ham qator ishlar amalga oshirildi. Viloyat yoshlar ishlari boshqarmasi boshlig'i Sarvar Boboyev bilan suhbatimiz shular xususida bo'ldi.

O'tayotgan yil samarqandlik yoshlar hayotida qanday iz qoldirdi?

- Keyingi yillarda mamlakat miqyosida o'tkaziladigan tanlov va musobaqalarda g'oliblikni qo'lga kiritgan yoshlar orasida samarqandlikning bo'lishi quvonarli hol, albatta. Bunga juda ko'p misollar keltirishimiz mumkin. Jombay tumanida yashovchi Nargiza Muhammadiyeva bu yilgi «Yosh kitobxon» tanlovi respublika final bosqichida 10-14 yoshlilar orasida birinchi o'ringa qo'lga kiritdi. Unga Prezident sovg'asi - «Cobalt» avtomobili berildi. 2023-yilgi mavsumda 15-19 yosh toifasida 1-o'rinni Marhabo Mahkamatosheva egallab, "Spark" sohibasi bo'lgan edi. Nafaqat respublika, balki xalqaro tanlovlarda ham yoshlarimiz faol. Aynan 2024-yilda Fransiyada o'tkazilgan olimpiyada chempion bo'lgan Diyora Keldiyorova Samarqand farzandi ekanligi bilan ham faxrlanamiz.

- Yil nomidan kelib chiqqan holda yoshlarni, xususan, tadbirkorlikka qiziqqan yigit-qizlarni qo'llab-quvvatlash bo'yicha amalga oshirilgan ishlar

haqida ham to'xtalib o'tsangiz.

- Yil avvalida xatlov o'tkazildi va 14 ming 418 nafar yoshning alohida ko'mak muhtojligi aniqlandi. Ularga viloyat va tuman tashkilotlarida faoliyat olib borayotgan 735 nafar rahbar birlashtirilish, ularning muammolariga yechim izlandi. 335 ming 57 nafar yosh otaliqqa olinib, huquq-tarbiya organlarining 1513 nafar xodimi tomonidan ko'mak ko'rsatildi. Yoshlar orasida hunarmandlikka, tadbirkorlikka qiziquvchilarni aniqlab, ularga biznes rejalar tuzishda, kreditlar ajratilishida alohida ko'mak ko'rsatildi. Bu ishlar amalga oshirilishi jarayoni bo'yicha maxsus shtab tashkil etilib, ishchi guruh tomonidan monitoring qilib borildi. Har bir shahar va tuman kesimida olib borilayotgan ishlar qoniarli yoki sustligi viloyat hokimligida o'tkazilgan yig'ilishlarda muhokama etilib, sustkashlikka yo'l qo'ygan rahbar xodimlarga nisbatan choralar ko'rdi.

Davlat dasturida 2024-yil

1-martdan "Har bir mahallada ikki nafar dasturchi" loyihasi joriy etilishi va

"MAHALLA YETTILIGI"

samarali ishlashi uchun...



Viloyat mahallani qo'llab-quvvatlash kengashining navbatdagi yig'ilishi bo'lib o'tdi.

Viloyat rahbari, kengash raisi Adiz Boboyev boshqargan yig'ilishda "mahalla yettilligi" hamda unga mas'ul hududiy boshqarma va tashkilotlar tomonidan amalga oshirilgan ishlar, kelgusi yildagi ustuvor vazifalar muhokama qilindi.

Ta'kidlanganidek, o'tayotgan yilda "mahalla yettilligi" tomonidan "Ombor daftari"dagi ishsiz fuqarolarning 85569 nafari bandlegi ta'minlanib, 32861 ta oila kambag'allikdan chiqarildi. "Obod va xavfsiz mahalla" tamoyili asosida mahallalarda aniqlangan 18053 ta ijtimoiy muammo hal etilib, qo'shma xulosalar tuzildi. Shunga qaramay, tizim faoliyatida qator muammo va kamchiliklar ham kuzatilmogda.

Xususan, yig'ilishda mahallani qo'llab-quvvatlash kengashi faoliyati barcha hududda to'laqonli tashkil qilinmaganligi, ayrim tumanlarda tashkil etilgan kengashlar tomonidan uyushma va boshqa davlat tashkilotlarining hisobotlari muntazam ravishda eshitilmayotgani aytildi. Oqibatda tizim bu hududlarda samarali ishlamagan. Ayrim tuman va shaharlardagi rahbarlar esa "mahalla yettilligi" tizimidagi xodimining kunlik ishi mahalla raisi

boshchiligida mahallada boshlanishi kerakligini unutilib qo'ygan.

Yig'ilishda barcha sektor va "mahalla yettilligi"ga mas'ul tashkilot rahbarlariga shu va boshqa kamchiliklarni bartaraf etish vazifasi qo'yildi. Mahalla faollari aholini qiyab kelayotgan muammolarni hal etish, mahallalarni ishsizlik, kambag'allik, oilaviy ajrim hamda jinoyatchilikdan xoli hududga aylantirishga alohida e'tibor qaratilishi shartligi ta'kidlandi.

Kengash a'zolarining hisobotlari tinglanib, kelgusi ustuvor vazifalar muhokama qilindi. Mahallalarda "yettillik" tomonidan amalga oshiriladigan kompleks chora-tadbirlar bo'yicha "Yo'l xaritasi" ishlab chiqilishi belgilandi.

Bayramda necha kun dam olamiz?

Davlatimiz rahbarining "Yangi yil bayramini nishonlash davrida qo'shimcha ishlanmaydigan kunni belgilash va dam olish kunini ko'chirish to'g'risida"gi qaroriga ko'ra, 2025-yilda besh kunlik ish haftasida ishlaydigan xodimlar uchun dam olish kuni **4-yanvar** — **shanba kunidan 2-yanvar** — **payshanba kuniga ko'chirildi. Olti kunlik ish haftasida ishlaydigan xodimlar uchun 2-yanvar** — **payshanba qo'shimcha dam olish kuni etib belgilandi.**

Shunday qilib **28-dekabr, shanba** — 6 kun ishlaydiganlar uchun ish kuni, 5 kunliklar uchun dam olish kuni;
29-dekabr, yakshanba — barcha uchun odatiy dam olish kuni;
30-31-dekabr — O'zbekiston Respublikasi Prezidentining 2023-yil 22-dekabrda Farmoniga ko'ra dam olish kunlari sifatida belgilangan;
1-yanvar, chorshanba — Yangi yil bayrami.
2025-yil 3-yanvar — barcha uchun ish kuni.



Davlat dasturi — amalda

gan yoshlarning imtixon xarajatlarini agentlik tomonidan to'lab berildi. 2021-yilda ana shunday yuqori natijaga erishgan yoshlar soni 138 nafarni tashkil etgan bo'lsa, 2024-yilda bu ko'rsatkich 8 baravarga oshib, 1022 nafarga yetdi. Ularning imtixon xarajatlarini uchun agentlik hisobidan 4 milliard so'mdan ziyod mablag' ajratildi.

- Davlat dasturida "Yosh tadbirkor" tanlovi tashkil etilishi kerak edi. Tanlov qanday natija berdi?

- Bu yil Yoshlar ishlari agentligi, "Yoshlar jamg'armasi" va Savdo-sanoat palatasi hamkorligida "Yosh tadbirkor" tanlovi tashkil etildi. Ilk bor o'tkazilgan mazkur tanlovning shahar va tuman bosqichlariga 1320 nafar yosh qamrab olindi. Birinchi bosqichda g'olib bo'lgan 109 nafar yosh tadbirkorlar tanlovning viloyat bosqichida qatnashdi. Yuqori natijalarga erishgan 5 nafar yigit-qiz esa tanlovning respublika bosqichida ishtirok etish huquqini qo'lga kiritdi. Tanlovning mamlakat bosqichida g'olib bo'lgan yoshlar o'zlari taqdim etgan loyihalarni amalga oshiradi. Bu borada biz, tanlov tashkilotchilari ularni moddiy va ma'naviy qo'llab-quvvatlashga tayyormiz.

2025-yilgi rejalar qanday?

- O'tayotgan yilda erishilgan muvaffaqiyatlar bilan bir qatorda xato va kamchiliklarga ham yo'l qo'yilgan bor gap. Kelgusi yilda yanada yuqori natijalarga erishishga, xatoga yo'l qo'yimaslikka harakat qilamiz. Asosiysi, yoshlarni zamonaviy kasblarga o'qitish jarayonini jadalashtiramiz. Chet tillarni o'rgatish bo'yicha amalga oshirilayotgan ishlar ko'laminis kengaytiramiz. Yoshlar orasida ortib borayotgan huquqbuzarliklarning oldini olish maqsadida ularning bo'sh vaqtini mazmunli tashkil etish choralarini kuchaytiramiz.

Feruza MAMATQULOVA suhbatlashdi.

Bir jumlada

Samarqand shahrida avtobus haydovchilari Yangi yil bayrami munosabati bilan Qorbobo kiyimlarida ishlab, yo'lovchilarga bayram kayfiyatini ulashadigan bo'ldi.

Kattaq'rg'on shahri sport maktabi o'quvchisi Elbek Ernazarov Abu Dabi shahrida sportning Pencak silat turi bo'yicha o'tkazilgan jahon chempionatida 1-o'rinni qo'lga kiritdi.

Kattaq'rg'on tumanidagi 1-IDUning 11-sinf o'quvchisi Jur'at O'ktamov xalqaro IELTS imtihonidan 8 ball, SAT imtihonidan 1210 ballni qo'lga kiritib, dunyoning nufuzli oliy o'quv yurtlaridan birida o'qish imkoniyatiga ega bo'ldi.

Payariq tumani hokimligi, tashabbuskor tadbirkorlar va sobiq bitiruvchilar ko'magida tumanning 34 ta maktabiga interfaol doskalar topshirildi.

Past Darg'om tumanidagi Mirzato'p mahallasida yashovchi Sabrina Nurullayeva "Kasblar tanlovi" musobaqasi respublika bosqichining "Novvoychilik" yo'nalishida mutlaq g'oliblikni qo'lga kiritdi.

Paxtachi tumanida o'tkazilgan mehnat yarmarkasida 8 nafar alimnt to'lovchilarga ishga joylashish uchun yo'lanmalar berildi.

Toyloq olimpiya va paralimpiya sport turlariga tayyorlash markazi tarbiyalanuvchisi Alisher Samanov 90 kilogramm vaznda dzyudo bo'yicha O'zbekiston chempionatida oltin medalini qo'lga kiritib, Xitoyda o'tkaziladigan Osiyo chempionati hamda Italiyada bo'lib o'tadigan jahon chempionatiga yo'llanmani naqd qildi.

OGOH BO'LING, MAGISTRAL GAZ QUVURLARI!

Magistral gaz quvurlarining muhofaza zonasida xavfsizlik choralarini ko'rish g'oyatda muhim. Viloyatimizning Narpay, Kattaqo'rg'on, Ishtixon, Oqdaryo, Nurobod, Payariq tumanlari hududi bo'ylab aholi punktlari va sanoat korxonalarini tabiiy gaz bilan ta'minlovchi, yuqori bosimga ega magistral gaz quvurlari yotqizilganligini hisobga olsak, masala kundek ravshan. Shu sababli hamyurtlarimizni ogohlikka chorlaymiz.

Ekspluatatsiyaning normal sharoitini ta'minlash va quvurlarning shikastlanishiga (ularning har qanday o'tkazilishidan qat'i nazar) yo'l qo'ymaslik uchun O'zbekiston Respublikasi Vazirlar Mahkamasining 2023-yil 9-dekabrda "Magistral gaz quvurlari qoidalarini tasdiqlash" to'g'risidagi 651-sonli qarori talablari hamda O'zbekiston Respublikasi Qurilish va uy-joy kommunal xo'jaligi vazirligi tomonidan tasdiqlangan "ShMQ- 02.05.06/22" - "Magistral gaz quvurlar shaharsozlik normalari va qoidalariga asosan muhofaza hududlari belgilangan. Magistral gaz quvurlari tarkibiga gaz quvurlari, gaz taqsimlash shoxobchalari, kran tugunlari, kompressor stansiyalari, elektr kimyoviy himoyalash uskunlari (EXZ), yuqori kuchlanishli elektr uzatish tarmoqlari (LEP), aloqa texnologiyasi inshootlari va uzatkichlari, gaz quvurlari trassasi bo'ylab yotqizilgan yo'llar, gaz quvurlarini bildiruvchi va tanituvchi belgilar kiradi.

Quvurlarning muhofaza hududiga kiruvchi maydonlar yerdan foydalanuvchilardan olib qo'yilmaydi. Ular mazkur maydonda faqat magistral gaz quvurlarini muhofaza qilish qoidalariga qat'iy rioya qilgan holda qishloq xo'jaligi yoki boshqa turdagi ishlarni olib borishlari mumkin. Quvurlar yotqizilgan hududda turarjoy mavzolari, aholi punktlari, sanoat, qishloq xo'jaligi korxonalari, imoratlar (turar-joy va noturarjoy binolar) qurilishi O'zbekiston Respublikasi Vazirlar Mahkamasining 2023-yil 9-dekabrda "Magistral gaz quvurlari qoidalarini tasdiqlash" to'g'risidagi 651-sonli qarori talablari hamda O'zbekiston Respublikasi Qurilish va uy-joy kommunal xo'jaligi vazirligi tomonidan tasdiqlangan "ShMQ-02.05.06/22" - "Magistral gaz quvurlar shaharsozlik normalari va qoidalariga asosan muhofaza hududlari belgilangan. Magistral gaz quvurlari tarkibiga gaz quvurlari, gaz taqsimlash shoxobchalari, kran tugunlari, kompressor stansiyalari, elektr kimyoviy himoyalash uskunlari (EXZ), yuqori kuchlanishli elektr uzatish tarmoqlari (LEP), aloqa texnologiyasi inshootlari va uzatkichlari, gaz quvurlari trassasi bo'ylab yotqizilgan yo'llar, gaz quvurlarini bildiruvchi va tanituvchi belgilar kiradi.



Quvurlarning muhofaza hududida quvurlardan me'yorida foydalanishga xalaqit beruvchi yoki ularga shikast yetkazuvchi har qanday turdagi ishlar taqiqlanadi. Xususan:

- har qanday qurilish ishlarini olib borish, inshootlar tiklash;
- har xil turdagi daraxt va butalarni ekish, yem-xashak, ozuqa, o'g'it va materiallarni to'plash, pichan g'amlash, ot bog'laydigan qoziqlarni joylashtirish, chorva mollarini saqlash, baliq yetishtirish uchun uchastkalar ajratish, baliq hamda boshqa suvda yashovchi va suzuvchi hayvonlar va parrandalarni parvarishlash, jonivorlar uchun suv ichadigan hovuzlar qurish, muzni yorish va tayyorlash ishlarini amalga oshirish;
- quvvur trassasi ustidan o'tish va kesib o'tish inshootlarini qurish, traktor va boshqa mexanizmlar uchun saqlash joylarini barpo etish, jamoat bog'lari va polizlarini joylashtirish;
- turli xil qurilish-montaj, portlatish va tog' ishlari amalga oshirish, tuproq (grunt) olishni rejalashtirish;
- melioratsiya ishlarini amalga oshirish, sug'orish, quritish tarmoqlarini qurish;
- nazorat-o'lchov quduqlari, nazorat punktlari, signal beruvchi, ogohlantiruvchi belgilarni buzish, joylarini o'zgartirish;
- kabel aloqasi xizmat ko'rsatmaydigan



tovush kuchaytiruvchi punktlar qopqoqlarini, lyulkarni, katod himoyasi stansiyasi, tarmoq va nazorat qiluvchi quduqlar hamda boshqa tarmoq qurilmalarini, zulf va jo'mraklarni ochish, aloqa vositalari, quvvur energiya ta'minoti va telemexanikasini yoqish, o'chirish;

- belgilangan hududda turli xil chiqindi to'plamlarini yig'ish, yerga ishqorlar, tuzlar, kislota eritmalarni to'kish;
- quvurlarni buzilishlardan, yon-atrof va yaqin joylashgan hududni, transportirovka qilinadigan mahsulotni avariya natijasida to'kilishdan saqlovchi, yer osti suvini o'tkazuvchi inshootlarni, qirg'oqlarni mustahkam tutuvchi qurilmalarni buzish;
- olov yoqish yoki shunga o'xshash ochiq-yopiq olov manbalarini uyushtirish;
- himoya hududlarida sun'iy havzalar va sholi ekinlarini ekish man etiladi.

Magistral gaz quvurlari himoya qoidalarining buzilishida aybdor mansabdor shaxslar va fuqarolar O'zbekiston Respublikasi qonunchiligiga ko'ra javobgarlikka tortiladi.

Muhofaza hududi:

- quvvur trassasi bo'ylab xavfsizlik yer uchastkasi ko'rinishida, quvvur o'qining har tomonidan 50 metrgacha masofada shartli chiziqlar bilan chegaralangan bo'ladi;
- qishloq xo'jaligiga taalluqli yerlardan himoya maydoni quvvur o'qining har tomonidan 25 metr masofada o'tadigan shartli chiziqlar bilan chegaralanadi;
- ko'p tarmoqli trassa bo'ylab chekka quvvur o'qining har tomonidan 50 metr masofada o'tgan, shartli chiziqlar bilan chegaralangan yer maydoni ko'rinishidadir.
- Gazdan kondensatni ajratish va saqlash uchun sig'imlar atrofida neft, kondensat va siqilgan uglevododlarni avariya holatida chiqarish uchun yer omborida ko'rsatilgan obyektlar maydoni chegarasida har tomoniga 50 metrdan tashqari chiziqli bilan chegaralangan uchastka ko'rinishida bo'ladi.



O'zbekiston Respublikasi Vazirlar Mahkamasining 2023-yil 9-dekabrda "Magistral gaz quvurlari qoidalarini tasdiqlash" to'g'risidagi 651-sonli qarori talablari hamda O'zbekiston Respublikasi Qurilish va uy-joy kommunal xo'jaligi vazirligi tomonidan tasdiqlangan "ShMQ-02.05.06/22" - "Magistral gaz quvurlar shaharsozlik normalari va qoidalariga asosan magistral gaz tarmoqlari atrofida quvurlar diametriga mos holda muhofaza hududlari belgilangan.

Belgilangan xavfli hudud radiusi:

- diametri 300 mm.gacha bo'lgan gaz quvuri uchun muhofaza hududi quvvur o'qidan har ikki tarafga 100 metr;
- diametri 300 mm.dan 600 mm.gacha bo'lgan gaz quvuri uchun muhofaza hududi quvvur o'qidan har ikki tarafga 150 metr;
- diametri 600 mm.dan 800 mm.gacha bo'lgan gaz quvuri uchun muhofaza hududi quvvur o'qidan har ikki tarafga 200 metr;
- diametri 800 mm.dan 1000 mm.gacha bo'lgan gaz quvuri uchun muhofaza hududi quvvur o'qidan har ikki tarafga 250 metr;
- diametri 1000 mm.dan 1200 mm.gacha bo'lgan gaz quvuri uchun muhofaza hududi quvvur o'qidan har ikki tarafga 300 metr;
- diametri 1200 mm.dan yuqori bo'lgan gaz quvuri uchun muhofaza hududi quvvur o'qidan har ikki tarafga 350 metрни tashkil etadi.

Shuningdek, gaz taqsimlash shoxobchalari har tomondan himoya hududi (muhofaza hududida har qanday ishlarini olib borish taqiqlanadi) 150 metr qilib belgilangan.

Shuning bilan birgalikda, aholi e'tiborini qo'yadiganlar qaratmoqchimiz:

Davlatimizda olib borilayotgan insonparvarlik siyosatiga ko'ra, aholi tomonidan tegishli mahalliy hokimiyatlar ruxsatisiz qurilib, hozirda aholi istiqomat qilib kelayotgan ayrim uy-joylar ham tegishli hujjatlar orqali egalarga mulk sifatida rasmiylashtirilib berilmoqda. Lekin magistral gaz quvurlarining xavfli hududida, boshqacha aytganda, "Qizil hudud" ichida qurilgan noqonuniy imoratlar uchun bu yengilliklar tatbiq etilmaydi va bunday imoratlar buzib tashlanishi kerak bo'ladi.

Aziz hamyurtlarimizning yer uchastkalari yoki dehqonchilik qilayotgan yer maydonlari magistral gaz quvurlari yaqinida joylashgan bo'lsa, biror turdagi qurilish ishlarini boshlashdan oldin ushbu gaz quvurlariga xizmat ko'rsatuvchi boshqarmaga murojaat qilib, ish ko'rish tavsiya etiladi. Bu bilan fuqarolarimiz o'z boshimchalik bilan qurilgan noqonuniy imoratni buzilishi bilan bog'liq ortiqcha asab-buzarlik va keraksiz moddiy chiqimlardan xoli bo'lisadi.

Boshqarmamiz manzili: Narpay tumani Oqtosh shahri, Muqimiy mahallasi. Telefonlar: +99866-432-41-91, +99893-172-22-47.

Qahramon FAYZULLAYEV, "Zirabuloq magistral gaz quvurlari" boshqarmasi boshqaruvchi'i. Iskandar SHUKUROV, Sanoat xavfsizligi davlat qo'mitasi Samarqand hududiy boshqarmasi bosh mutaxassisi.

DA'VOLAR BO'LSA...

Payariq tumanida xususiy amaliyot bilan shug'ullanuvchi notarius Muhammadiyev Farhod Jo'raqulovich notarial idorasida marhum Shernazarova Xayitgulga (2023-yil 14-yanvarda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Muhammadiyev Farhod Jo'raqulovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Narpay tumanida xususiy amaliyot bilan shug'ullanuvchi notarius Qurbonov Azizjon Ro'ziyevich notarial idorasida marhum Xudayberdiyev Baxodir Sayfullayevichga (2024-yil 17-aprelda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Qurbonov Azizjon Ro'ziyevich notarial idorasiga murojaat etishlarini so'raymiz.

Manzil: Narpay tumani Oqtosh shahri, Imom Buxoriy ko'chasi.

Samarqand shahrida xususiy amaliyot bilan shug'ullanuvchi notarius Yusupova Dilsura Hasanovna notarial idorasida marhum Inoyatov Alimboyga (2021-yil 28-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dilsura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Payariq tumanida xususiy amaliyot bilan shug'ullanuvchi notarius Muhammadiyev Farhod Jo'raqulovich notarial idorasida marhum Mardanov Navruz Jumabekovichga (2023-yil 16-fevralda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Muhammadiyev Farhod Jo'raqulovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Payariq tumanida xususiy amaliyot bilan shug'ullanuvchi notarius Muhammadiyev Farhod Jo'raqulovich notarial idorasida marhum Azimov Daniyargaga (2023-yil 8-mayda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Muhammadiyev Farhod Jo'raqulovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

Payariq tumanida xususiy amaliyot bilan shug'ullanuvchi notarius Ortiqboyev Aziz Azamatovich notarial idorasida marhum Xamrayeva Sharofatga (2022-yil 28-martda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ortiqboyev Aziz Azamatovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 73-uy.

BEKOR QILINADI

Samarqand tumanidagi Abdullayeva Mohinur A'zamovna yakka tartibdagi tadbirkorining (JSHSHIR: 41109986110017) dumaloq muhri va burchak tamg'asi yo'qolganligi sababli bekor qilinadi.

Urgut tuman maktabgacha va maktab ta'limi bo'limi tasarrufidagi 23-umumiy o'rta ta'lim maktabining gerbli muhri yo'qolganligi sababli bekor qilinadi.

"SAMARQAND KAMALAK INVEST TEKSTIL"

MAS'ULIYATI CHEKLANGAN JAMIYATI JAMOASI

*barcha yurtdoshlarimizni
yaqinlashib kelayotgan yangi*

*2025-yil
bilan qutlaydi!*



